

建祠記

蓋聞神靈建廟，祖宗立祠，乃亘古迄今之傳承，亦千百年來之常例。前者歸宗教信仰，後者屬宗族規制。廟宇興衰，隨朝代更替而變化，宗祠修建，賴族人勵志與操持。故宗祠者，乃全族神聖莊嚴祭祀之所，全族向心疑聚之處也。

先時，先祖由粵東遷瀏落業東沙，任春公昆仲擴建屋宇，於上棟設置享堂，香火四時無息，神燈昼夜長燃。爾後，啟字輩先賢，於牛腿灣築兩棟一亭為祠，自此東沙楊氏聲名遠播。然時光荏苒，歲月蒼桑，西元一九五四年，歲在甲午，天災驟降，洪水肆虐，宗祠因而損毀矣。數十年來，文字輩、明字輩等，屢屢提議，重建楊氏韜元公祠，無奈建祠所需尚未成熟，且宗祠新址難以選定諸緣由，終成憾事。

時過境遷，斗轉星移。西元二零一六年，歲逢丙申，村企擴建，需租用吾東沙土地，長輩叔侄兄弟審時度勢，遂邀共議，此乃建祠絕佳之機，欣東沙宗親紛紛表示，願將土地租金七十萬元悉數捐獻，作建祠啟動資金。遂經族眾商議，成立建祠小組，並推選道琴為組長，組織宣導，發起新建宗祠之行動。異地宗親電話聯絡，近處宗親分頭傳達。選吉時，明細分工；擇福地，破土奠基，族人鼎力，眾志成城，不數月，宗祠告竣！

新宗祠，坐東朝西，兩棟一亭兩廂房，廚房、衛生間、圍牆、水泥坪、道路、籃球場、健身器材、娛樂工具，一應俱全，耗費百餘萬元，總建築面積約六百平米。雖非云雕楹玉砌、繡栢雲楣，卻也具古樸典雅，莊嚴肅穆。於斯幸也！欣吾祖居之有妥，喜子孫祀之有所也。

新祠落成，陽春慶典，告座升龕，羊一豕一，敬祖尊宗，空前盛況，各地宗親，東沙咸集，滿座高朋，彩球彩旗，同祝昌隆，龍飛鳳舞，共振家聲，恢弘先緒。逢風和日麗，深思往昔之規模；順天時地利，盡展今朝之盛景。惟冀族人同德同心，輝煌依舊，更期後繼再接再勵，燦爛同霽。春露秋霖，壯三冬之暖色，寒來暑往，飄四季之醇香。再啟宏圖，攬山色湖光之勝；同謀燕翼，展日新月異之姿。前臨瑞日，晨瞻曙色之光，後接祥雲，暮睇霞霞之景。地脈鐘靈，歌大地賦春風，綻蘭芬桂馥之芳姿；根基永固，詠長天接秋水，呈起鳳騰蛟之雄勢。

謹敘斯言，是為記。

時維公元二零二五年乙巳歲春月

韜元公十世孫道庶拜撰